

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Uručena uvjerenja o dodjeli mandata novoizabranim načelnicima	1
Mostar potpisao povelju ravnopravnosti spolova	2
Monitoring projekta 'Poboljšanje poslovnog okruženja'	2
Radovi na industrijskoj zoni u G.Vakufu-Uскопju u punom jeku	3
U tri velike gospodarske zone u Čitluku zaposleno oko 1000 osoba	4
Prezentiran priručnik za praktičnu primjenu Aarhuske konvencije u BiH	4
Okončan projekat 'Jačanje kapaciteta lokalnih zajednica za korištenje EU fondova-praktična iskustva iz Republike Češke'	5
Održana međunarodna konferencija 'Budućnost fiskalne decentralizacije u jugoistočnoj Evropi'	6
Općina Jablanica završila umrežavanje matičnih ureda na svom području	7
Počele radnje na obnovi Delibegovog hana	7
Delegacija Općine Tešanj posjetila regiju Kutahya u Turskoj	7
Potpisan sporazum o bratimljenju Zenice i Veleša	8
Delegacija Općine Jablanica završila posjete prijateljskim općinama u Makedoniji i Srbiji	8
S.Efendić potpisao prvu građevinsku dozvolu	9
IV Sajam lokalne samouprave	9
'Dani energetske efikasnosti Sarajevo 2012'	10
Forum za traženje partnera na program prekogranične saradnju BiH-CG	11

Bilten Saveza općina i gradova Federacije Bosne i Hercegovine

URUČENA UVJERENJA O DODJELI MANDATA NOVOIZABRANIM NAČELNICIMA

SARAJEVO, 13. novembar/studeni – Centralna izborna komisija BiH danas je uručila uvjerenja o dodjeli mandata za 130 novizabranih načelnika i gradonačelnika u BiH, koji su dobili povjerenje najvećeg broja građana na izborima 7. oktobra.

Pet načelnika, koji se nisu mogli odazvati današnjem događaju u zgradi Parlamenta BiH, uvjerenja će preuzeti naknadno.

"Danas imamo priliku da novoizabranim i reizabranim načelnicima i gradonačelnicima čestitamo i uručimo uvjerenja sa kojima oni mogu već sutra započeti rad u svojim opštinama", rekao je predsjednik CIK-a Branko Petrić.

On je u izjavi medijima potvrdio da je CIK jučer popodne dobio sudsku odluku u vezi sa žalbom Koalicije za Republiku Srpsku i SNSD-a za opštinu Srebrenica.

"Jučer u kasnim popodnevnim časovima dobili smo odluku Suda BiH gdje su uvažene žalbe Koalicije za Republiku Srpsku i SNSD-a za opštinu Srebrenica, i poništeni su naši zaključci o odbacivanju zahtjeva o poništenju izbora u ovoj izbornoj jedinici i raspisivanju novih, sa nalogom da CIK sve navodne žalbe ispita, provjeri da li su tačne, da li je bilo nezakonitosti, da li utiču na rezultate izbora i donese novu odluku", rekao je Petrić.

On je kazao kako će CIK već od sutra početi sa razmatranjem ovih navoda.

Petrić je istakao da su, zbog nezakonitosti u biračkom spisku i fiktivnom prijavljivanju birača, rezultati izbora u Istočnom Mostaru i Istočnom Drvaru poništeni, a novi izbori raspisani za 18. novembar. Petrić je naglasio da će sve fiktivne prijave biti provjerene, a kada je u pitanju Srebrenica, kazao je da će biti provjerene i prijave iz Republike Srbije.

Petrić je, odgovarajući na pitanja novinara, prokomentarisao i politički dogovor u vezi s izmjenom Izbornog zakona BiH koji su postigli lideri SDP-a BiH i SNSD-a Zlatko Lagumdžija i Milorad Dodik, a koji uz ostalo predviđa zatvaranje izbornih lista.

"Pitanje zatvorenih biračkih listi nije pitanje na kojem se jedna država i jedan sistem definišu kao demokratski i nedemokratski. U Evropi imamo i jedan i drugi sistem, pa i razne njegove modalitete, i niko po tom kriteriju neka društva i neke izbore nije ocijenio kao demokratske ili nedemokratske", kazao je Petrić.

Na proteklm izborima potvrđeni su rezultati za 135 načelnika i gradonačelnika u BiH, te isto toliko opštinskih vijeća i skupština opština u BiH, dok to još nije urađeno za pet opština. Za dvije opštine protekli izbori su poništeni i raspisani novi, u jednoj opštini izbori su poništeni i čeka se pravosnažna odluka, a za Srebrenicu i Prijedor još uvijek se odlučuje.

(Anadolija)





KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

glavna savjetnica
gradonačelnika Mostara
Radmila Komadina, potpisala
je u ime Grada Mostara,
evropsku Povelju o
ravnopravnosti žena i
muškaraca na lokalnom nivou,
čime je Grad Mostar pored
Grada Sarajeva i Grada
Istočno Sarajeva postao treći u
Bosni i Hercegovini koji je
povelju potpisao

GRAD MOSTAR POTPISAO POVELJU O RAVNOPRAVNOSTI SPOLOVA



Finalna konferencija projekta "Promocija Evropske Povelje o ravnopravnosti žena i muškaraca na lokalnom nivou" održana je u Mostaru 02. novembra/studenog 2012. u hotelu Bristol.

Konferenciju pod nazivom: „Regionalna saradnja i sprovođenje Evropske povelje za ravnopravnost žena i muškaraca na lokalnom nivou“ organizirala je Agencija lokalne demokratije Mostar, u suradnji sa Gradom Mostarom te partnerima na projektu, a čije aktivnosti financira Evropska komisija.

Projekat je regionalnog karaktera a realiziraju ga partnerska udruženja „Fenomena“ Kraljevo i LDA Niš iz Srbije, „Anima“ iz Crne Gore i LDA Mostar iz Bosne i Hercegovine, uz podršku švedske organizacije Kvinna till Kvinna i uz finansijsku podršku Evropske komisije. Projektni aktivnosti provode se u četiri grada: Kotor, Kraljevo, Mostar i Niš - Gradska opština Medijana. Finalna regionalna Konferencija imala je za cilj razmjenu iskustava i dobrih praksi unapređenja rodne ravnopravnosti na lokalnom nivou.

Ovo je takođe bila dobra prilika za umrežavanje, saradnju i međusobnu podršku u budućim praktičnim aktivnostima primjene Povelje kako u pomenutim gradovima, tako i u širem regionu.

Konferenciji su prisustvovali predstavnici lokalnih vlasti iz četiri uključena grada / općine, uključujući i tijela za unapređenje rodne ravnopravnosti, predstavnici CEMR-a (Savjet evropskih općina i regiona), predstavnici nacionalnih asocijacija i agencija koje se bave pitanjima rodne ravnopravnosti iz Srbije, Crne Gore i BiH, kao i predstavnici regionalnih i međunarodnih partnerskih nevladinih organizacija.

Ovom prilikom glavna savjetnica gradonačelnika Mostara Radmila Komadina, potpisala je u ime Grada Mostara, evropsku Povelju o ravnopravnosti žena i muškaraca na lokalnom nivou, čime je Grad Mostar pored Grada Sarajeva i Grada Istočno Sarajeva postao treći u Bosni i Hercegovini koji je povelju potpisao i time se obavezao na njeno provođenje.

Govoreći o stanju rodne ravnopravnosti u Mostaru, Radmila Komadina je ocijenila kako će se na tom pitanju trebati dosta poraditi, "obzirom da znamo kakvo je stanje Gradskom vijeću u kome nakon svakih izbora je sve manje žena". U još uvijek aktualnom sazivu Gradskog vijeća su samo četiri vijećnice. Gradsko vijeće Mostara broji 35 vijećnika, a jedna od dopredsjednika vijeća je žena.

Komadina je ocijenila kako stanje nije bolje niti u institucijama kojima je osnivač grad Mostar, jer u javnim poduzećima na rukovodećim mjestima nema niti jedne žene.

"Nešto bolje stanje je u školama, ali je činjenica da se ne možemo pohvaliti baš nekim rezultatima, kao u drugim gradovima, poput Kraljeva u Srbiji" - kazala je Komadina.

Konferencija u Mostaru je okupila predstavnike brojnih nevladinih organizacija iz BiH, te gradova Srbije i Crne Gore, poput; Kotora, Niša i Kraljeva.

Temeljna ideja je da se na jednom ovakvom skupu razmjene iskustva u vezi sa implementacijom projekta ravnopravnosti polova na lokalnim nivoima, gdje su drugi gradovi učinili puno više.

MONITORING PROJEKTA "POBOLJŠANJE POSLOVNOG OKRUŽENJA"

BOSANSKA KRUPA, 14. novembar/studeni – U Općini Bosanska Krupa održan je još jedan sastanak u okviru IFC-ovog projekta Poboljšanje poslovnog okruženja u Bosni i Hercegovini, saopćeno je iz Kabineta načelnika Općine Bosanska Krupa.

Govorilo se o uspostavljanju i funkcionisanju Registra, aktivnostima tokom projekta, o samom Registru, procedurama njegovog rada, itd.

Registar je uspostavljen i već ranije javno prezentiran, čime je formalno završen projekt.

Nakon toga uslijedilo je periodično praćenje rada, odnosno njegove svrhe i funkcionalnosti.

U tom smislu, načelnik općine Bosanska Krupa Armin Halitović imenovao je dva tijela: Administrativno i Tehničko.



Bosanska Krupa

Savez / Zajedno za uređenu i razvijenu lokalnu samoupravu

Administrativno upravlja radom Registra, odgovorno je za poštovanje svih pravila i procedura rada, ostvarivanje osnovnih načela rada elektronskog Registra, kao i za to da se postupci u primjeni nalaze i u Registru, te da su tako dostupni javnosti.

Tehničko tijelo obavlja stručne, administrativne i tehničke poslove i odgovorno je za ažuriranje, tačnost podataka, rad i tehničko održavanje Registra.

IFC-ov Projekt poboljšanja poslovnog okruženja obuhvata smanjenje administrativnih barijera u cilju unapređenja poslovnog ambijenta i smanjenja troškova za građane i poslovne subjekte. Dakle, ima za cilj povećanje konkurentnosti BiH kroz regulatornu reformu, privlačenje investicija i pružanje podrške sektoru poljoprivrede, vladama na svim nivoima u zemlji.

Projekt će pomoći vlastima u BiH da smanje administrativno opterećenje na poslovne subjekte, povećaju izvoz u ključnim izvoznim sektorima u BiH, privuku više direktnih stranih investicija i poboljšaju sveukupnu konkurentnost jednog ili dva vrijednosna lanca u poljoprivredi.

Projekt poboljšanja poslovnog okruženja (ISCRA), IFC je proveo u Bosanskoj Krupi i još pet općina u Bosni i Hercegovini.

Projekt u Bosanskoj Krupi finansirali su Švedska međunarodna razvojna agencija (SIDA), IFC i Općina Bosanska Krupa.

IFC, članica Grupa Svjetske banke, podstiče održiv ekonomski rast u zemljama u razvoju pružanjem podrške razvoju privatnog sektora, mobiliziranjem privatnog kapitala, te pružanjem savjetodavnih usluga i usluga ublažavanja rizika za poslovne subjekte i vlade.

U fiskalnoj 2011. godini, tokom ekonomske krize, IFC je investirala gotovo 19 milijardi dolara i na taj način podržala svoje klijente u otvaranju novih radnih mjesta, poboljšanju zaštite okoliša i pružanju podrške njihovim lokalnim zajednicama.



RADOVI NA INDUSTRIJSKOJ ZONI U GORNJEM VAKUFU – USKOPLJU U PUNOM JEKU



Industrijska zona "Batuški lug" u Gornjem Vakufu-Uskoplju je jedan od najznačajnijih projekata ove općine u posljednjih nekoliko godina. Ona bi trebala stvoriti uslove za nove investicije i biti prostor gdje će se nalaziti poslovna postrojenja firmi. U ovoj općini se nadaaju da će izgradnja industrijske zone privući domaće i strane investitore, što će doprinijeti samom razvoju općine i otvoriti nova radna mjesta. To je ovom kraju, sa 55 posto nezaposlenih, itekako potrebno.

Investitor industrijske zone je Općina Gornji Vakuf-Uskoplje, a finansijsku podršku su pružili Federalno ministarstvo razvoja i obrta i Ministarstvo privrede

SBK-a. Izvođač radova je Izgradnja Tojaga iz Mostara, a vrijednost prve faze projekta je oko 90.000 KM.

Do sad su završeni poslovi na krčenju šume i niskog rastinja, nakon čega je izvršena eksproprijacija pojedinih dijelova zemljišta radi omogućavanja lakšeg pristupa ovoj zoni.

"Trenutno se radi industrijska cesta u dužini od 200 metara, širine 14 metara, to je kolovoz sa dvije saobraćajne trake, dvije pješačke i dvije biciklističke trake. Nakon ovoga imamo da uradimo put u dužini od pet kilometara, da bi spojili industrijsku zonu sa glavnom saobraćajnicom", kazao je za eKapiju Husein Fale, iz Službe za urbanizam i građevinarstvo pri općini Gornji Vakuf-Uskoplje.

U sklopu radova na cesti biće izvršeno iskolčavanje trase saobraćajnice, mašinski iskop zemlje, nabijanje prirodnog podtla, ugradnja i zbijanje kamenog materijala, mašinski iskop zemlje za AB propust, betonski radovi i ugradnja armature te izgradnja gornjeg sloja koja podrazumijeva izradu tamponskog sloja od pjeskovito-šljunkovitog materijala debljine 45 cm. Dok su radovi na asfaltiranju planirani za sljedeću godinu.

Industrijska zona je prostor namijenjen za smještaj MSP kao i velikih poslovnih sistema koji se namjenski opredjeljuje za razvoj industrije u nekoj lokalnoj zajednici ili regiji. Ovaj prostor se najčešće na komercijalnoj osnovi prodaje zainteresovanim i nema karakter upravljачke organizacije kao što ga imaju neke druge forme poslovne infrastrukture. (eKapija)

Investitor industrijske zone je Općina Gornji Vakuf-Uskoplje, a finansijsku podršku su pružili Federalno ministarstvo razvoja i obrta i Ministarstvo privrede SBK-a.



Grb Općine Gornji Vakuf-Uskoplje



Grb Općine Čitluk

U TRI VELIKE GOSPODARSKE ZONE U ČITLUKU ZAPOSLENO OKO 1000 OSOBA

Općina Čitluk u vrijeme SFRJ bila je jedna od najnerazvijenijih općina u BiH. Pučani Brotnja stoljećima su se bavili proizvodnjom duhana, grožđa i vina koji su im bili jedini izvori prihoda za preživljavanje.

Brzi razvoj

Nakon Gospinih ukazanja te demokratskih promjena, općinske vlasti Čitluka učinile su iskorak u gospodarskoj politici i počele stvarati uvjete za razvoj malog i srednjeg poduzetništva. To se pokazalo opravdanim i korisnim jer je općina Čitluk, potičući razvoj privatnog poduzetništva, omogućila zapošljavanje radnika i intenzivan razvoj cijelog Brotnja.

Kako bi se ubrzao razvoj Brotnja, Općina Čitluk je na tri lokacije (kod Tromeđe, u Blizancima i Blizne gomile) izgradila gospodarske zone s potrebnom infrastrukturom, na kojima je izgrađeno 40-ak proizvodnih kapaciteta, trgovina na veliko i malo, pogona s uslužnim djelatnostima i drugih gospodarskih objekata u kojima danas radi oko 1000 osoba. To se postiglo zahvaljujući činjenici da je u tim gospodarskim područjima uglavnom izgrađena potrebna građevinska i komunalna infrastruktura. Prema riječima načelnika Ive Jerkića, postoji mogućnost daljnjeg širenja gospodarskih zona, što će ovisiti o željama i zahtjevima investitora.



Gospodarska zona u Čitluku

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoentar.ba
www.balkanfund.org
www.eurlesmed.com
www.eacea.ec.europa.eu

Gospodarske zone

"Općina Čitluk, zajedno s Federalnim ministarstvom razvoja, poduzetništva i obrta, je do sada ulagala sredstva za uređenje prometnica u našim gospodarskim zonama. Za koji dan će početi radovi na izgradnji još jedne pristupne ceste Gospodarskoj zoni kod Tromeđe, za što je već potpisan ugovor s izvođačem radova PP Božić ceste iz Blizanaca", rekao je Jerkić.

Mnogi su Brotnjanci iskoristili pogodnosti i ulagali sredstva u izgradnju hotela i drugih objekata u Međugorju kako bi se počeli intenzivno baviti hodočasničkim turizmom, a izgrađeno je i dvadesetak mini vinarija. Sve su to razlozi zbog kojih se općina Čitluk danas ubraja među najrazvijenije općine na području BiH. Bržem i perspektivnijem razvoju Brotnja pridonijelo je i to što je OV Čitluka 2008. usvojilo Strategiju razvoja općine Čitluk do 2020., čime su određeni strateški ciljevi te da je u njoj predviđeno kako će se i budući razvoj temeljiti na razvoju hodočasničkog turizma u Međugorju i Bijakovićima, razvoju vinogradarstva i vinarstva, trgovine te uslužnih djelatnosti i prerađivačke industrije. (eKapija)

PREZENTIRAN PRIRUČNIK ZA PRAKTIČNU PRIMJENU AARHUSKE KONVENCIJE U BIH

SARAJEVO, 02. novembar/studenj – U organizaciji Aarhus centra Sarajevo danas je upriličena prezentacija Priručnika za praktičnu primjenu Aarhuske konvencije u BiH. Na skoro stotinu stranica teksta ovog priručnika razmatraju se sva tri stuba Aarhuske konvencije: pristup informacijama o ekologiji, učešće javnosti u donošenju odluka o ekološkim pitanjima i pristup pravosuđu o ekološkim pitanjima. Ovo je prvi sveobuhvatni priručnik o Aarhuskoj konvenciji izrađen u BiH, na kojem je radilo 10 autora-eksperata iz oblasti zaštite okoliša, iz vladinog i nevladinog sektora. "Nakon uspostavljanja prvog Aarhus centra u BiH krajem maja/svibnja ove godine, nedavno održanog prvog edukativnog seminara, današnjom prezentacijom ovog priručnika slažemo mozaik pripremljenih radnji kako bi građanke i građane Sarajeva upoznali sa Aarhuskom konvencijom i postojećim mehanizmima koji će im osigurati kvalitetniji pristup informacijama o okolišu i mogućnost njihovog uključivanja u donošenje odluka u ovoj oblasti", istaknuo je zamjenik gradonačelnika Sarajeva Miroslav Živanović.

Dodao je da će Grad Sarajevo i dalje podržavati ovaj projekat i učiniti dodatni napor da se što više ljudi upozna sa aktivnostima Aarhus centra Sarajevo i sadržajem Priručnika.





Andrea Cellino, direktor OSCE-a za planiranje i politiku naglasio je da je „rad na Priručniku počeo prošle godine, kao dio projektnih aktivnosti BiH u okviru regionalnog projekta jačanja primjene Aarhuske konvencije u regionu jugoistočne Evrope. Bosna i Hercegovina učestvuje u tom projektu zajedno sa Srbijom, Albanijom i Crnom Gorom. Vrijednost ovog priručnika tek treba provjeriti u praksi. Nema sumnje da će kao rezultat njegove upotrebe uslijediti komentari i sugestije koje se mogu iskoristiti kako bi ovaj dokument učinili još relevantnijim“, istaknuo je Cellino te izrazio zadovoljstvo



povodom saradnje OSCE-a sa zvaničnicima ministarstava nadležnih za zaštitu životne sredine na nivou države, entiteta i Brčko distrikta, kao i sa iskusnim pravnicima i aktivistima u ovoj oblasti.

Azra Rogović-Grubić iz Ministarstva vanjske trgovine i ekonomskih odnosa BiH je kazala da je Aarhus centra Sarajevo napravio iskorak u svom radu, nedavno promovirajući svoju web stranicu, a danas Priručnik za praktičnu primjenu Aarhuske konvencije u BiH. Prema njenim riječima sadržaj Priručnika slijedi koncept Aarhuske konvencije sa puno primjera iz prakse, što mu daje dodatnu vrijednost. Naglasila je da je prvi segment - pristup informacijama o ekologiji, predstavljen kroz formu pitanja i odgovora, drugi segment - učešće javnosti u donošenju odluka o ekološkim pitanjima, donosi informacije o postupku izdavanja okolinskih dozvola, a treći - pristup pravosuđa o ekološkim pitanjima, informacije o pokretanju upravnog postupka. (sarajevo.ba)

OKONČAN PROJEKAT 'JAČANJE KAPACITETA LOKALNIH ZAJEDNICA ZA KORIŠTENJE EU FONDOVA – PRAKTIČNA ISKUSTVA IZ REPUBLIKE ČEŠKE'

Evropski pokret u BiH okončao je realizaciju projekta "Jačanje kapaciteta lokalnih zajednica za korištenje EU fondova - praktična iskustva iz Republike Češke". Tim povodom 8. novembra/studenog u Sarajevu je održana završna konferencija na kojoj je učešće osim predstavnika lokalnih zajednica u BiH – partnera Evropskog pokreta u BiH, uzeli i Predstavnički Ambasade Republike Češke u BiH, Predstavnički Delegacije Evropske unije u BiH, Predstavnički Direkcije za evropske integracije BiH, Predstavnički lokalnih zajednica iz Republike Češke, Domaći i međunarodni eksperti za eurointegracije, pripremu, izradu i implementaciju projektnih aktivnosti. Predsjednik Evropskog pokreta u BiH Predrag Praštalo istaknuo kako je cilj projekta bio upoznavanje i informiranje predstavnika lokalnih zajednica o mogućnostima i načinima korištenja sredstava iz evropskih fondova, kao i sredstava drugih međunarodnih donatora. "Zahvaljujući podršci Češke razvojne agencije, odnosno češke ambasade u BiH obišli smo šest gradova u BiH u kojima smo održali radionice. Predavači su bili Senad Lulo iz Direkcije za evropske integracije i Amil Kamenica, stručnjak za EU integracije, koji su učesnicima pojasnili na koji način se može aplicirati i napraviti kvalitetan projekt", kazao je Praštalo.

Evropski pokret u BiH se nada da će s ovim projektom u budućnosti pobuditi interes međunarodnih donatora, ali i domaćih institucija, jer je praksa pisanja projekata u BiH još uvijek nedovoljno razvijena.

Iz tog razloga, kako ističe Amil Kamenica, mnoge zemlje u regionu su malo sredstava povlačili iz evropskih fondova zato što nisu imali kapacitete koji su u stanju da realizuju takve projekte.

S ovom činjenicom složio se i ambasador Češke u BiH Tomaš Szunyog navodeći da je veoma važno da se BiH pripremi za evropske projekte iz dvaju razloga. "Prvo što bi BiH obezbjedila stručne ljude da pišu projekte, posebno one za Evropsku uniju, a drugo da BiH obezbijedi finansijsku strukturu da može podržati ove projekte u kofinansiranju, te da ih može plaćati u fazi kada nisu završeni. Zato treba iskoristiti ovo vrijeme da se na kantonalnom, entitetskom i općinskom nivou ljudi obuča za pisanje evropskih projekata", smatra Szunyog.

Izrazio je obećanje da će češka ambasada nastaviti podržavati slične projekte u BiH.

U okviru konferencije izlaganje o temi "Iskustva u korištenju sredstava iz EU fondova" održao je Radek Vondra, gradonačelnik Praga (općina 14), koji je istakao da su u ovoj općini evropski projekti pomogli da se u šest škola uvede termoizolacija, pomoću koje su se troškovi škole smanjili za šest posto, a u tehnološkom smislu pomoću sredstava iz EU fondova uvedene su i zakonske obaveze za digitalizaciju arhiva.

"Nadamo se da će nam u skorije vrijeme biti odobreni projekti vezani za uključivanje socijalno-isključenih grupa u društvenu zajednicu, što predstavlja trenutno najveći problem u Pragu", rekao je gradonačelnik Praga.



Sa konferencije

Evropski pokret u BiH se nada da će s ovim projektom u budućnosti pobuditi interes međunarodnih donatora, ali i domaćih institucija, jer je praksa pisanja projekata u BiH još uvijek nedovoljno razvijena.



Evropski pokret u Bosni i Hercegovini
European Movement in Bosnia and Herzegovina / Mouvement Européen à Bosnie-Herzégovine



Sa konferencije u Budvi

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpactbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

G. Entoni Levitas, svjetski poznat stručnjak za međuvladine finansije, upozorio je: „Nivo transfera sa centralnog nivoa nedovoljan je lokalnim vlastima da pružaju usluge za koje su ovlaštene...”



ODRŽANA MEĐUNARODNA KONFERENCIJA 'BUDUĆNOST FISKALNE DECENTRALIZACIJE U JUGOISTOČNOJ EVROPI'

BUDVA, 02. novembar/studen – Da li je fiskalna decentralizacija glavna strategija za zemlje jugoistočne Evrope u suočavanju sa finansijskim izazovima i za povećanjem investicija u lokalnu zajednicu? Koja su otvorena pitanja vezana za proces fiskalne decentralizacije u cijeloj regiji? Gdje i kako će zemlje u budućnosti usmjeriti fiskalnu decentralizaciju?

Ovo su neke od tema koje su razmatrane na Međunarodnoj konferenciji: Budućnost fiskalne decentralizacije u jugoistočnoj Evropi, koja je održana 1.-2. novembra 2012. godine u Budvi, Crna Gora.

Konferenciju je organizirala Mreža lokalnih i regionalnih vlasti jugoistočne Evrope (NALAS) u partnerstvu sa Ministarstvom finansija Crne Gore i Unijom općina Crne Gore.

Konferencija je okupila više od 120 učesnika, predstavnika lokalnih vlasti i udruženja lokalnih vlasti iz 12 zemalja jugoistočne Evrope, predstavnike ministarstava finansija i drugih centralnih državnih institucija iz sedam zemalja, kao i predstavnike međunarodnih organizacija, ekonomista i stručnjaka iz date oblasti.

U svom pozdravnom govoru, ministar finansija Crne Gore Milorad Katinic rekao je: „Krizu nas sili da budemo efikasniji, da osiguramo bolje usluge sa sredstvima koja imamo. Ali, mi takođe moramo da stvorimo bolje okruženje za ekonomski rast koji će uticati na smanjenje siromaštva i nezaposlenosti“.

Potpredsjednik NALAS-a, g. Anton Peršak je istakao: „U procjeni trendova fiskalne decentralizacije važno je imati na umu sljedeće usmjeravajuće aspekte: (1) sprovođenje nacionalnog programa reforme fiskalne decentralizacije; (2) nivo međuvladinog dijaloga; i (3) finansijske indikatore. Što se tiče prve tačke, u Analizi NALAS-a je zaključeno da nema kontinuiranog napretka u fiskalnoj decentralizaciji u Regionu u posljednje 2-3 godine. U Moldaviji, Rumuniji, pa i u mojoj zemlji, Sloveniji, prisutan je čak trend ponovne centralizacije“, rekao je Peršak.

„Slažemo se da proces decentralizacije treba posmatrati kao posledicu potrebe za demokratizacijom društva. Ekonomski razvoj na lokalnom nivou je ključni element u zadovoljavanju životnih potreba. Lokalni razvoj i zaposlenje su ono što građani prvenstveno očekuju od procesa decentralizacije“, rekao je g. Aleksandar Bogdanović, Gradonačelnik Cetinja i Predsjednik Skupštine Zajednice općina Crne Gore. „Do sada sprovedene politike u Crnoj Gori dale su značajne rezultate. Želio bih da vas podsjetim da je Crna Gora prije krize bila jedna od najbrže rastućih ekonomija u Evropi, sa najvećim nivoom direktnih stranih investicija po glavi stanovnika“.

„Često čujemo od centralnih vlasti da općine nemaju dovoljno kapaciteta da sprovedu fiskalnu decentralizaciju i to je njihov izgovor za stagniranje procesa fiskalne decentralizacije. To jednostavno nije opravdan razlog. Mi moramo zajedno da radimo da bi još bolje razvili kapacitete lokalnih samouprava“, rekla je g-đa Ginka Čavdarova, Izvršni direktor Nacionalne asocijacije općina Bugarske u svom govoru o izazovima asocijacije lokalnih vlasti u podržavanju svojih članica – lokalnih samouprava, da ojačaju lokalne administrativne kapacitete.

„Moramo naglasiti da postoje tri važna pravca fiskalne decentralizacije: povećanje međuvladinih transfera, povećanje sopstvenih prihoda i smanjenje tereta općinskih zaduženja“, rekao je g. Piter Klavel, Šef jedinice USAID projekta planiranja i lokalne uprave u Albaniji. „NALAS je pripremio izuzetnu studiju o trendovima fiskalne decentralizacije u jugoistočnoj Evropi koju smo koristili u našem radu u Albaniji i treba to da nastavimo jer moramo imati pristup zasnovan na dokazima u cilju unapređenja fiskalne decentralizacije“, naglasio je g. Klavel.

G. Entoni Levitas, svjetski poznat stručnjak za međuvladine finansije, upozorio je: „Nivo transfera sa centralnog nivoa nedovoljan je lokalnim vlastima da pružaju usluge za koje su ovlaštene. U cijelom regionu jugoistočne Evrope, ubiranje prihoda ostaje glavni problem kako za centralne vlasti tako i za lokalne vlasti, dok se između njih nastavlja „igra krivaca“. Takođe, poreska osnovica u cijelom Regionu je izuzetno koncentrisana u nekoliko gradova, često u glavnom gradu“. Na kraju konferencije, učesnici će usvojiti Zajedničku deklaraciju kojom će se naglasiti njihovi zajednički napori na:

- poboljšanju rezultata dijaloga između ministarstava finansija i nacionalnih asocijacija lokalnih vlasti;
- povećanju općinskih kapaciteta koji se odnose na investicije u cilju prevladavanja kontinuiranog nedostatka finansiranja općinske infrastrukture;
- olakšavanju pristupa lokalnih vlasti pretprijetnim i strukturalnim/poljoprivrednim fondovima Evropske unije;
- olakšavanju pristupa kreditnom tržištu.

Nacrt Deklaracije i Izvještaj o fiskalnoj decentralizaciji 2006-2011 možete preuzeti na našoj web stranici u sekciji VIJESTI od 05. novembra/studenog 2012. www.sogfbih.ba



OPĆINA JABLANICA ZAVRŠILA UMREŽAVANJE MATIČNIH UREDA NA SVOM PODRUČJU

JABLANICA, 5. novembar/studeni – Općina Jablanica je uz pomoć GAP-a izvršila uvezivanje matičnih ureda Glogošnica, Ostrožac, Doljani i matičnog ureda u Jablanici, čime je omogućeno građanima da u bilo kojem matičnom uredu na području ove općine dobiju izvode iz matičnih knjiga i uvjerenja o činjenicama iz matičnih knjiga, bez obzira što se podaci o njihovom statusu vode u drugom matičnom uredu koji se nalazi na području općine Jablanica.

U vezi s tim, matičar jednog matičnog ureda može izdavati izvode, odnosno uvjerenja o činjenicama i podacima iz matične knjige, koja se vodi za druge matične urede, iz čije evidencije se traži izdavanje izvoda ili uvjerenja.



Grb Općine Jablanica

POČELE RADNJE NA OBNOVI DELIBEGOVOG HANA U MAGLAJU



Početkom radova na rekonstrukciji objekta Delibegov han, nastavljena je implementacija projekta "Past for the Future" (Prošlost za budućnost) koji je finansiran od strane Europske unije, a implementira se u partnerstvu REZ Agencije i Općine Maglaj, koja je ko-finansijer projekta. Podsjećamo, projekt je odobren u okviru EU programa pod nazivom "Pripreme radnje za očuvanje i obnovu kulturne baštine u području sukoba u zemljama Zapadnog Balkana za 2010. godinu".

Rekonstrukcija objekta 'Delibegov han' ključna je aktivnost Radnog paketa br.1 projekta. Početak radova kasni

zbog neočekivano duge procedure odabira izvođača radova. Nakon što je sklopljen ugovor sa izvođačem radova (Coning ag d.o.o. iz Maglaja) i odabrano nadzorno tijelo, radovi su službeno započeli 1. novembra/studenog ove godine. Predviđeno trajanje ugovorenih radova na prvoj fazi rekonstrukcije je 89 radnih dana, odnosno do 15. februara/veljače 2013. godine.


Ostale aktivnosti u okviru projekta "Past for the Future" odvijaju se prema po projektu utvrđenom planu.



Ruševine Delibegovog hana

DELEGACIJA OPĆINE TEŠANJ POSJETILA REGIJU KUTAHYA U TURSKOJ

Delegacija općine Tešanj, na čelu sa općinskim načelnikom je tokom vikenda (10. – 12. novembra/studenog) posjetila prijateljsku regiju KUTAHYA, Turska. Delegaciji je upriličen prijem kod Valije Kenana Ciftci, načelnika Općine Kutahya Mustafa Ica, Muftije Mustafe Uskuluplu. Tokom posjete obavljen je obilazak fabrike za proizvodnju stakla, pete po veličini u svijetu, čiji vlasnik je Bošnjak, porijeklom iz Mostara. Delegacija općine Tešanj je posjetila i najveću fabriku za eksploataciju borne rude u svijetu i obišla savremene pogone



Grb Općine Tešanj

obrade do konačnog proizvoda. Pored obilazaka privrednih potencijala, delegacija općine Tešanj imala je nekoliko susreta u regiji Tavsanli, obišla kulturno-historijsko nasljeđe i tragove života stare preko 3.000 godina, a upriličeno je i posebno druženje sa Bošnjacima porijeklom iz Bosne i Hercegovine. U povratku je Općina Eyup, Istanbul organizovala doručak za delegaciju općine Tešanj kao i obilazak kulturno-historijskog nasljeđa. Zamjenik načelnika Općine Eyup je Bošnjak, porijeklom iz Prijepolja, g-din Semih Dikol.





POTPISAN SPORAZUM O BRATIMLJENJU ZENICE I VELESA

Na inicijativu Nj. E. gosp. Redjepi Rami - Ambasadora Republike Makedonije u Bosni i Hercegovini i po odluci Vijeća Općine Zenica i Vijeća Grada Velesa, delegacija Općine Zenica koju su činili Husejin Smajlović - načelnik, Nebojša Nikolić - predsjedavajući Vijeća i Zijad Imamović - šef Protokola, posjetila je Veles od 9 - 11. novembra/studenog 2012. godine na poziv gosp. Gorana Petrova - gradonačelnika Velesa. Tom prilikom potpisan je i Sporazum o bratimljenju kao okvir za buduću saradnju i razmjenu na svim nivoima.



Ovom prilikom je načelnik Smajlović uručio Goranu Petrovu pismo namjere UG "Svjetlost" iz Zenice koji su već ranije uspostavili kontakte sa sličnim udruženjem iz Velesa koje se bavi djecom sa smetnjama u razvoju, čime se otvorio put i za ozbiljniju saradnju na ovom planu.

Veles je inače grad od 50.000 stanovnika smješten na obalama Vardara. Nekad je bio poznat po teškoj industriji, preciznije Topionici olova i cinka, Tvornici keramike i još nekim specifičnim proizvodima ovog podneblja. Kao i u drugim dijelovima bivše Jugoslavije, privatizacija je donijela sasvim novi način privređivanja i probleme s kojima se Veles, kao uostalom i Zenica, nastoji nositi na najbolji mogući način. Od poljoprivrednih kultura posebno su kvalitetni duhan i lubenice, a u kulinarstvu Veles se može ponositi umijećem svojih žitelja u izradi različitih vrsta pita koje su bile izložene i ovom prilikom na "Pitijadi" - festivalu pite pripređenom u samom centru grada.

U Velesu živi i nekoliko hiljada Bošnjaka koji su uglavnom iz Sandžaka doselili u nekoliko sela kod Velesa, najpoznatije od njih je Orizare, odakle su nastojali otići u Tursku, ali su mnogi i ostali zato što im se ovaj kraj svidio i jer su uvidjeli da tu mogu graditi svoju budućnost. Inače se u selima naseljenim Bošnjacima gaji veoma dobar duhan, a upriličena je i posjeta savremenoj farmi krava kao i nekoliko radionica PVC stolarije. Osnovna škola je opremljena po savremenim standardima - jedan kompjuter po učeniku, a na svakom koraku je vidljiva tradicionalna i kulturološka veza ovog življa sa bosanskom maticom.



Inače, ova je posjeta upriličena povodom 9. novembra/studenog - Dana oslobođenja Velesa u Drugom svjetskom ratu (1944), a dijelu zvaničnog programa prisustvovao je i gosp. Avdija Pepić - član Parlamenta Republike Makedonije.

Makedonci su opravdali opće mišljenje koje dijeli većina Bosanaca i Hercegovaca o njima kao o iznimno gostoljubivom i neposrednom narodu.

Uz delegaciju Zenice u posjeti Velesu bili su predstavnici gradova iz Rumunije, Bugarske, Poljske i Srbije.

DELEGACIJA OPĆINE JABLANICA ZAVRŠILA POSJETE PRIJATELJSKIM OPĆINAMA U MAKEDONIJI I SRBIJI

Delegacija općine Jablanica, koju je predvodio Općinski načelnik Salem Dedić, a u kojoj su bili, Mate Mijić, predsjedavajući Općinskog vijeća, Ibrahim-Dune Čilić i Ivica Žilić vijećnici u Općinskom vijeću, Dženan Mulahasanović, sekretar općinskog organa uprave, Alma Pinjić, pomoćnica općinskog načelnika i Amela Muratović šef odjeljenja, završila je višednevnu posjetu bratskoj općini Gevgelija u Makedoniji, gdje su prisustvovali svečanostima i manifestacijama u povodu 7. novembra/studenog - Dana Općine Gevgelija.

Osim općine Gevgelija, delegacija općine Jablanica posjetila je i bratsku općinu Paraćin, kao i jednu od najrazvijenijih općina u Republici Srbiji, općinu Inđija.

Općinski načelnik Salem Dedić istakao je kako su vođeni konkretni razgovori vezani za saradnju na privrednim, kulturnim i sportskim i drugim planovima. Sa Predsjednikom općine Paraćin razgovaralo se o nastavku saradnje, a posebno saradnje koja se želi unaprijediti u oblasti privrede sa naglaskom na kamenoklesarstvo.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

*Delegacija općine Jablanica
posebne utiske i
oduševljenje nosi iz općine
Inđija, jedne od
najrazvijenijih općina u
Republici Srbiji*



Delegacija općine Jablanica posebne utiske i oduševljenje nosi iz općine Indija, jedne od najrazvijenijih općina u Republici Srbiji, koja posjeduje izvrstan geografski položaj, obzirom da se nalazi između dva velika centra Beograda i Novog Sada, gdje su stvorili pretpostavke za ulaganja kako domaćih, tako i stranih investitora.

Pomoćnica općinskog načelnika Alma Pinjić je istakla pozitivan primjer industrijskih zona, a posebno uspješnost lokalne uprave koja funkcioniše na Sistemu 48, a koji je primjenjiv i na općinu Jablanica. Sistem 48 predstavlja jedinstven informacijski sistem u Evropi kojim se u roku od samo 48 sati rješavaju problemi građana. Služi za bolje upravljanje općinom i kvalitetnijom kontrolom javnih preduzeća i ustanova. Objedinjujući rad svih javnih preduzeća i ustanova u općini, Sistem 48 omogućava rješavanje problema i zahtjeva građana, te raspolaganje sredstvima na nov, moderan i funkcionalan način zasnovan isključivo na tehničkim podacima i činjenicama - istakla je pomoćnica načelnika Alma Pinjić.

Na kraju, Općinski načelnik je istakao kako općina Jablanica očekuje uzvratne posjete općina koje su posjetili, kako za Dan općine Jablanica - 22.februar, tako i za posjete predviđene za razgovore i razmjenu iskustava u oblasti privrede, turizma, kulture i sporta, kao i drugim oblastima. (Općina Jablanica)



NAČELNIK SEMIR EFENDIĆ POTPISAO PRVU GRAĐEVINSKU DOZVOLU ZA PROJEKT VRIJEDAN OKO 13 MILIONA KM



SARAJEVO, 16. novembar/studeni – Načelnik Općine Novi Grad Semir Efendić potpisao je danas sa Abdulahom Povlakićem, generalnim direktorom ASA ŠPED-a građevinsku dozvolu za izgradnju proizvodno-poslovnog objekta u Rajlovcu.

Time su stvoreni uslovi za početak radova na izgradnji centra namijenjenog za proizvodnju hrane, vrijednog oko 13 miliona maraka.

Izgradnjom ovog objekta planirano je zapošljavanje oko stotinu radnika što je od izuzetne važnosti za Općinu Novi Grad. Radi se o prvoj građevinskoj dozvoli koju je Efendić potpisao nakon preuzimanja načelničke funkcije. On je izrazio zadovoljstvo što je prva građevinska dozvola potpisana upravo sa ASA Grupacijom, jednim od najozbiljnijih bh. investitora.

Potpisivanje dozvole za građenje pomenutog objekta uslijedilo je nakon što je investitor projekta ispunio sve zakonom predviđene obaveze, i u općinski budžet uplatio oko 180.000 KM na ime plaćanja zemljišne rente.

"Zadovoljstvo nam je što je naša grupacija prvi investitor koji kreće u realizaciju projekta u prvom mandatu načelnika Općine Novi Grad Semira Efendića i nadamo se da ćemo ostvariti uspješnu saradnju. Radovi bi trebali biti okončani u period od oko šest mjeseci", rekao je tokom potpisivanja dozvole Abdulah Povlakić.

Dogovoreno je da načelnik Efendić u narednom periodu posjeti ASA Grupaciju.

Izgradnjom ovog objekta planirano je zapošljavanje oko stotinu radnika što je od izuzetne važnosti za Općinu Novi Grad.

IV SAJAM LOKALNE SAMOUPRAVE

29.11.-01.12.2012. godine, Beograd

U Beogradu će se u periodu od 29. novembra/studenog do 01. decembra/prosinca 2012. godine održati „IV Sajam lokalne samouprave“, u hali 1 i 1a Beogradskog sajma.

Sajam organizira Ministarstvo regionalnog razvoja i lokalne samouprave Republike Srbije i Grad Beograd, a u partnerstvu sa Stalnom konferencijom gradova i općina i Beogradskim sajmom. U istom terminu će biti organizovan i XI međunarodni sajam preduzetništva "Biznis Baza 2012".

Osnovni cilj Sajma je stvaranje mogućnosti i ambijenta za općine i gradove da na organizovan i stručan način razmjenju iskustva i prezentiraju postignute rezultate, vlastite aktivnosti i projekte te unapređenje lokalne uprave. Sajam je namijenjen općinama i gradovima koji žele prezentovati svoj rad, svoju posebnost, probleme sa kojima se suočavaju, uspjehe te prednosti. Očekuje se učešće jedinica lokalne samouprave iz 10-ak zemalja, vladinih i nevladinih organizacija, međunarodnih organizacija čiji je rad usmjeren na lokalno-ekonomski razvoj, poslovne asocijacije i firme, razvojne agencije, banke i mikrokreditne organizacije, kao i druge zainteresovane organizacije.

Općinama i gradovima se nudi mogućnost da direktno učestvuju putem izložbenih prostora i da na taj način prezentuju dostignuća iz oblasti uprave, privrede, turizma i ostalih djelatnosti.





KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmem.com
www.eacea.ec.europa.eu

"Cilj manifestacije je podizanje javne svijesti o klimatskim promjenama, o globalnom zagrijavanju, o nedostatku energenata, stalnom rastu cijena energenata, smanjenju rezervi, važnosti sigurnog snabdijevanja energijom i pametnom korištenju energije", kazao je zamjenik gradonačelnika Sarajeva Igor Kamočaji.



Grb Grada Sarajeva

NAJAVA MANIFESTACIJE 'DANI ENERGETSKE EFIKASNOSTI SARAJEVO 2012.'

SARAJEVO, 13. novembar/studen – "Dani energetske efikasnosti Sarajevo 2012." pod sloganom "Koristimo energiju pametno! – Use energy smart!" održaće se od 21. do 23. novembra/studenog u organizaciji Grada Sarajeva i Njemačke organizacije za razvojnu saradnju (GIZ). "Cilj manifestacije je podizanje javne svijesti o klimatskim promjenama, o globalnom zagrijavanju, o nedostatku energenata, stalnom rastu cijena energenata, smanjenju rezervi, važnosti sigurnog snabdijevanja energijom i pametnom korištenju energije", kazao je zamjenik gradonačelnika Sarajeva Igor Kamočaji.



Prema njegovim riječima, grad Sarajevo kao potpisnik Povelje gradonačelnika o energetske efikasnosti, ima za cilj podići svijest građana o obnovljivim izvorima energije, te o potrebi smanjenja potrošnje iste. "Sarajevo je potpisivanjem povelje postalo konkurentan grad u Evropi u ovoj oblasti", naglasio je Kamočaji.

Ovom prilikom on je predstavio trodnevni program manifestacije "Dani energetske efikasnosti".

Prvog dana planiran je edukativni program o racionalnom korištenju energije u vrtićima, osnovnim i srednjim školama. Također, planirane su posjete Olimpijskom bazenu Otoka gdje će biti postavljeni info- štandovi sa promotivnim materijalima, te posjeta Uredu za energetske efikasnost Grada Sarajeva".

Najavio je da je za 22. novembra predviđeno održavanje Konferencije o temi "Lokalna i regionalna samouprava u procesu energetske održivog razvoja", koja će se održati u sarajevskom Hotelu Europa.

Prema njegovim riječima, posljednjeg dana navedene manifestacije u Privrednoj komori Kantona Sarajevo održaće se sastanak eksperata o temi "Jačanje mreže energetske efikasnosti glavnih gradova jugoistočne Evrope", kao i okrugli sto "Energetska efikasnost i obnovljivi izvori- realni potencijal za razvoj obrtništva i malog poduzetništva".

Direktorica Javne ustanove "Djeca Sarajeva" Mirjana Jovanović- Halilović kazala je da će se 28 vrtića uključiti u ovogodišnje Dane energetske efikasnosti u Sarajevu. "U ime 5.000 djece zahvaljujem na pozivu za učešće u ovoj manifestaciji. Na osnovu aktivnosti koje ćemo provesti u vrtićima nastojaćemo uticati na izgradnju pozitivnog stajališta o ovoj temi. Iskreno se nadam da će ovakvi projekti postati tradicija jer imaju za cilj javno dobro, dugoročnu perspektivu, te pružanje doprinosa pokretanju pozitivnih promjena u okruženju", rekla je M. Jovanović- Halilović.

Menadžer Otvorenog regionalnog fonda za jugoistočnu Evropu– Energetska efikasnost GIZ-a Johannes Elle kazao je da podržavanje Dana energetske efikasnosti u Sarajevu predstavlja redovnu aktivnost GIZ-a u pružanju podrške gradovima koji su potpisnici Povelje gradonačelnika o energetske efikasnosti.

"To su gradovi Sarajevo, Frajburg, Zagreb, Podgorica, Skoplje i Tirana. Ovi gradovi izuzetno dobro sarađuju u oblasti energetske efikasnosti, pa su ovi Dani upravo rezultat njihove redovne razmjene iskustava", kazao je on.

Izrazio je zadovoljstvo zbog saradnje Grada Sarajeva sa gradovima iz regiona na ovom polju.

Organizatori predstojeće manifestacije "Dana energetske efikasnosti 2012" su Grad Sarajevo, Ministarstvo obrazovanja i nauke KS, GIZ, PK KS, JU Djeca Sarajeva, te Olimpijski bazen Otoka.



Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u

facebook | join our group +

POSJETITE NAS NA WEB-U

WWW.SOGFBIH.BA

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

FORUM ZA TRAŽENJE PARTNERA NA PROGRAMU PREKOGRANIČNE SARADNJE BIH – CRNA GORA

U sklopu pripremnih aktivnosti za objavljivanje Trećeg poziva za dostavljanje prijedloga projekata Programa prekogranične saradnje Bosna i Hercegovina – Crna Gora, Direkcija za evropske integracije Bosne i Hercegovine i Ministarstvo vanjskih poslova i evropskih integracija Crne Gore, uz podršku Zajedničkog tehničkog sekretarijata, organizuju **dva** tematski različita **Foruma za traženje partnera**. Svrha organizacije oba foruma je da se potencijalnim aplikantima omogući da u neposrednom kontaktu sa učesnicima iz susjedne zemlje, predstavljaju svoje projektne ideje i pronađu potencijalnu partnersku organizaciju za apliciranje na bespovratna sredstva dostupna u okviru Trećeg poziva za dostavljanje prijedloga projekata. Slijede termini i teme planiranih Foruma za traženje partnera:

Forum za traženje partnera na temu privreda i turizam, ruralni razvoj i ekologija 11. decembra/prosinca 2012 Podgorica, Crna Gora

za potencijalne aplikante koji namjeravaju aplicirati za Mjeru 1.1: "Inicijative prekograničnog privrednog razvoja sa naglaskom na turizam i ruralni razvoj" i/ili Mjeru 1.2: "Inicijative za unapređenje životne sredine sa fokusom na zaštitu, promovisanje i upravljanje prirodnim resursima"; i


Forum za traženje partnera na temu kultura i sport, obrazovanje i akcije „ljudi ljudima“ 13. decembra/prosinca 2012 Konjic, Bosna i Hercegovina

za potencijalne aplikante koji namjeravaju aplicirati za Mjeru 1.3: "Društvena kohezija i kulturna razmjena kroz aktivnosti koje povezuju ljude i institucije". Informaciju o tačnim adresama na kojima će Forumi biti organizirani i dnevni red ćemo Vam dostaviti naknadno.


Potencijalni aplikanti koji već imaju projektnu ideju za koju traže partnera mogu je objaviti na web stranici Programa www.cbc.bih-mne.org (sekcija „Tražim partnera“), na način da popune elektronski formular. Sve projektne ideje objavljene do 28. novembra/studenog će biti objavljene u katalogu projektnih ideja koji će biti distribuiran učesnicima foruma u Crnoj Gori i Bosni i Hercegovini. Želimo istaći da dostavljanje projektnih ideja nije preduslov za učešće na forumima.

Zainteresirani učesnici mogu učestvovati na jednom ili na oba Forumu ako žele, uz predhodnu registraciju za svaki Forum pojedinačno. Rok za registraciju učešća je 10. decembar/prosinac 2012. Registraciju možete izvršiti putem e-maila info@cbc.bih-mne.org, ili na brojeve telefona: +387 (0) 33 788 781; +382 (0) 69 104 475. Za više informacija o Programu molimo posjetite www.cbc.bih-mne.org.

Savez / Zajedno za uređenu i razvijenu lokalnu samoupravu



IPA Program prekogranične saradnje
Bosna i Hercegovina – Crna Gora



Legenda:
Prilivati/ra područja
Bosna i Hercegovina
Crna Gora
Pridružena područja
Crna Gora